



KENYATAAN MEDIA
ZAIRULSHAHFUDDIN ZAINAL ABIDIN
KETUA PEGAWAI EKSEKUTIF ISLAMIC RELIEF MALAYSIA

Untuk Hebahan Segera

12 Mei 2019

MYSINGGAH RAMADAN SANTUNI WARGA EMAS

KUALA LUMPUR – Berpandukan nilai keadilan sosial yang menjadi tunjang dalam menyantuni golongan rentan, Islamic Relief Malaysia (IRM) dengan kerjasama Pusat Jagaan Nur Hasanah mengambil langkah proaktif untuk menyantuni penghuni pusat jagaan tersebut sempena bulan Ramadan agar mereka dapat merasai kemanisan berpuasa.

Ketua Pegawai Eksekutif IRM, Zairulshahfuddin Zainal Abidin berkata, MySinggah Ramadan kali ini memilih warga emas yang sebagai golongan sasaran agar mereka dirasai dihargai dan dirai.

“Program MySinggah Ramadan adalah inisiatif kami dalam menyantuni warga emas yang terpinggir, pernah hidup sebagai gelandangan di jalanan dan tinggal bersendirian dalam kedaifan, terlantar di hospital tanpa waris yang hadir melawat, dan mereka yang menghidap penyakit kronik tanpa rawatan dan penjagaan sempurna.”

“Selain itu, dengan usahasama antara IRM dan Pusat Jagaan Nur Hasanah, program MySinggah Ramadan diwujudkan bagi meraikan setiap penerima manfaat dengan kegembiraan melalui pelbagai aktiviti bermanfaat dan pengisian ilmiah,” jelas Zairulshahfuddin.

Pelbagai aktiviti menarik disediakan bagi melengkapi program MySinggah Ramadan di samping mewujudkan suasana harmoni antara pihak IRM, Pusat Jagaan Nur Hasanah dan juga penerima manfaat. Antara aktiviti tersebut termasuklah program demo masakan oleh Chef Selebriti, **Chef Nabil Salleh** dan **Chef Imelda Harris**. Pada waktu berbuka, majlis diserikan dengan kehadiran **Chef Selebriti Dato’ Fazley Yaakob**.

Majlis ini turut mendapat sokongan daripada pihak Lembaga Zakat Selangor (LZS) yang dihadiri oleh Ketua Pegawai Penyelarasnya, Abdul Basith Hamid, pihak Bangi Resort Hotel (BRH), dan Kelab Sukarelawan Zakat (SUZA) Universiti Teknologi MARA (UiTM) Melaka.

Dalam pada itu, Ikon Kemanusiaan IRM iaitu Dr Aizan Sofia dan Kumpulan Saujana turut hadir bagi memeriahkan majlis termasuklah penceramah jemputan khas iaitu Ustaz Ashraf Suarin.

Program ini sejajar dengan kempen Ramadan Care4Hunger yang sedang berlangsung ketika ini. Orang ramai boleh membuat sumbangan pek makanan untuk sebuah keluarga menerusi pakej RM150 atau RM300.

Mengenai Islamic Relief (IR)

Islamic Relief (IR) adalah sebuah organisasi bantuan dan pembangunan kemanusiaan antarabangsa yang bebas. IR beribu pejabat di United Kingdom dan ditubuhkan pada tahun 1984. IR telah berkhidmat di lebih dari 45 buah negara, membantu lebih daripada 120 juta orang. IR juga mempunyai rangkaian tetap di lebih 30 buah negara merangkumi 100 buah cawangan di seluruh dunia. Skop bantuan IR merangkumi bantuan kecemasan, pembangunan mampan bersepadu, pengurangan risiko bencana dan advokasi.

YABhg. Tun Dr. Mahathir Mohamad telah merasmikan penubuhan Islamic Relief Malaysia (IRM) pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjanaan dana dan pelaksana projek (antarabangsa & tempatan)

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

MOBILE APPS | IR Malaysia

Zairulshahfuddin Zainal Abidin

Ketua Pegawai Eksekutif

Islamic Relief Malaysia

**Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor**
Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my